

ZENICA Centar za djecu sa posebnim potrebama

Vlada i općine preuzele obavezu finansiranja

Do sada je sa oko 40 posto finansiran stranim donacijama, a 60 posto iz budžeta Vlade ZDK i općina

Centar za rani podsticaj razvoja i ranu intervenciju kod djece sa posebnim potrebama u Zenici, koji je otvoren 2009. godine, u narednom periodu u potpunosti će biti finansiran iz budžeta Vlade i 12 općina ZDK, na što su se, potpisom aneksa ugovora sa Georgom Šilom (Schiel), predsjednikom UO Udruženja "Humanost", obavezali premijer ZDK Fikret Plevljak i načelnici ili ovlašteni predstavnici općina.

Plevljak je istakao da će Vlada, u skladu sa svojim programskim opredjeljenjima, podržati rad ovog centra, jer je briga za djecu i mlade jako važna.

- Unutar toga posebno je važna briga za djecu sa poseb-

nim potrebama, a na drugom mjestu nam je i briga za porodicu u kojoj se ta djeca rađaju i odrastaju, jer im je potrebno olakšati i proces odrastanja - kazao je Plevljak, koji je najavio da će, uz centre u Zenici, Visokom i Maglaju, sličnu ustanovu uskoro dobiti i Tešanj, čiji bi centar pokrivaio potrebe i djece iz općina Doboj Jug i Usora.

Šil je istakao da su sve vrijeme imali dobru saradnju sa vladinim sektorom i da je postojala dobra volja svih da projekat uspije, kao i da su strane ispunile svoje obaveze.

-Ovim potpisom prelazimo na lokalno finansiranje, a strani donatori će od 1. oktobra prestati sa sufinansiranjem rada Centra - kazao je Šil, koji je istakao da je mjesečni



Sa svečanog otvorenja Centra prije dvije godine

budžet Centra 17.500 KM.

Centar je do sada sa oko 40 posto bio finansiran stra-

nim donacijama, a 60 posto iz budžeta Vlade ZDK i općinskih budžeta.

V.B.